

بازار ابرتسی فی ۲۱ ربیع الآخر سنه ۱۳۲۸ و فی ۱۹ نیسان سنه ۱۳۲۹

جمعیت علمیة اسلامیہ نك ناشر افکاریدر

مدیر مسئول :
مکتب نواب معلمارندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

تاریخ اسلام صحائفندن طاهر المولوی	استبداد مال حسین حازم
مجلس مبعوثانده بودجه مذاکراتی مصطفی صبری	ادبیات :
اخلاق م. ص	بهار ع. ع. عاطف
اسلامده عسکرلک ع. عاطف	معاونت ملیه جمعیتی طرفندن آلمان طورپیدومناسبتیه طاهر
آچیق مکتوب سلانیک جمعیت علمیة اسلامیہ سندن	ردی علی مافی القول الجید من الردی مصطفی صبری

نسخه سی ۱ غروشدرد

آبونه اجرتی (پوسته اجرتیه برابردر)

ممالک اجتیه ایچون :
۶۰ . ۱۲ فراتق
« ۶۰ . ۶۰ »

استانبول وولایات ایچون :
برسته لیکی ۶۰ غروش
اتی آیلنی ۳۰ «

درج ایدلمیان اوراق اعاده اولنماز

قارئلرمزه :

اکثر مقاله ایات کریمه و احادیث نبویه درج ایدلمش بولندینی نظر اعتباره آلهرق رعایه سزاکده بولماماسی رجا اولنور

درسعادت

طنین مطبعه سنده طبع اولنشدرد

و معرفت کوسترلمسی نه شرعاً نه د عقلاً وادباً جائز اوله .
 مه جغندن عقائد اسلاميه مه مخالف اوله رق ترتيب اولنان
 بوکي اعيانك اول امرده محلي معارف قوميسونلری طرفندن
 تدقيقه معنی لازمه دن اولديني حالده بواسطه رعایت
 ايدلامسی و سلمه السلام دين محمدینک اغیاره قارشوده
 تحقيره اوغرا دلمسی تعاليسيه مفتخر اولديغیز حکومت
 جايله اسلاميه نك شان و حیثيته متناسب کوريله مه جکندن
 بعدما تياترو محفلرنده کرك سلا نیکده اولسون و کرك
 ممالک سائر اسلاميه ده بولنسون قرآن عظیم واحاديث
 نبويه نك قرائتی و شريعت لفظك ايرادوتذکیری کي بر حال
 اسف اشتاله قطعاً ميدان ویرلامسی لزومك مقام جايل
 مشيخت عالما جه و معارف عوميه نظارتجه تحت قراره
 آتیه رق کيفيتك مقامات عانده سی طرفندن بحسب الديانه
 بالجله ولایه عظام و متصرفین کرامه تبليغ و تعميم اولنسی
 عرض و استرحام اولنور .

ترسانه لر محو اولمش . کيتمشدر اوللری (المجاهدین فی
 سبيل الله) . (الغزاة فی اعداء الله) کي اوصاف ايله مدح
 و ثنا اولنان دوناماسکری صو ک زمانلرده او قدر کوزدن
 دوشمشدرکه مصرده برکيمسه نك دونامايه منسوب اولمی
 کنديسی ايچون عادتاً بر قصور عد اولنق درجه لرينه
 کلمشدی .

دها صو کره حکومت اسلاميه دن بعضلری اسلام
 دوناماسنك اسکی قوتی اعاده ايتک چالش مش ، قیماً
 موفق اولانلرده بولنمش ايسه ده اولنلرده چوق دوام
 ايدمه مشلدر .

۱۶ نيسان سنه ۱۳۲۶ قونیه لی: ع . عاطف

سلا نيك جمعيت علميه اسلاميه سندن

آچيق مکتوب

اوتوز بر مارت وقعه سنی مصور اولق اوزرده سلا نیکده
 هوسکاران تياترو قلوبی طرفندن سکز نيسان سنه ۳۲۶
 پنچشنبه کونی اقشامی سلا نیکده واقع (ادن) تياتروسنده
 موقع تماشا يه وضع ايدیلان اويونك اثنای تصویرنده
 (شريعت ايسـترز) يولنده خاقه قارشو برچوق کلام
 تعا طي ايدلديکی کي مسلم نامنی طاشيان بر شخصک دخی
 کرسی خطابه چيقوب (وشاورهم فی الامر) وسائر
 آیات جليله يي حضاره او قویوب لعبياته کرمی تام ویرلديکی
 وبويولده تماشا کرانک نظردقت و تقدیرلری جلب ايدلديکی
 وتياترو سخنلرنده شريعت اسلاميه کلمه مبجله سنک هر
 دورلی ملته قارشو يادوتذکیری و خصوصيه فرقان کریمک
 لعبیات مقامنده قرائت و ترتیلی دين مبین اسلامی علناً
 استخفاف ايتک ديمک اوله جغندن و ممالک وسيعه اسلاميه ده
 ينه اسلام نامی آتنده ياشايان بوکي آدملرک تياترو
 شانولرنده کلام اللهک قرائتيله بونجه عناصره قارشو اويون

چ استبداد ، مال

ه ابد

آنفا ذکرى سبق ایدن احتیاجات بشریه نسبتبند
 فقط اوج نقطه ره رعایت ايدیلک شرطيه استحصال وادخار
 مال ؛ بر امره شروع و ممدوحدر . يوقسه مجرد حرص
 تمول خصائل انسانيه نك اچرکینلرنند .
 شرط اول ؛ احراز مال بوجه مشروع ايله ، يعنی فیض
 طيعتدن استحصال ايتک ، بر عمل وضمان مقابنده بولنق
 صورتيله ، ياخود معاوضه طریقه اولميدر .
 شرط ثانی ؛ طريق تمولده بشقه سنک احتیاجاتی ده
 نظر دفته آغلی ، تضییق اجرا اولنامليدر مثلاً ضروریات
 يداحتکاره آلتق ، ضعفا ی عمال و صنعتکارانه قارشو
 مزاحمه اولنق ، مباحات دست تغلبه کچیرانک
 صورتيله احراز اولنان اموال مشروع دکدر . ساحه